



Adresa: **Ul. Hamdije Čemerlića 39a**
71000 Sarajevo
<http://www.voda.ba>
Broj: **30/80-825-34/26**
Sarajevo, 6.7.2026. godine
Int. br. nabavke: **30-178-28/26**

tel. +387 33 726 400
fax. +387 33 726 423
e – mail: info@voda.ba

Na osnovu člana 70. Zakona o javnim nabavkama ("Službeni glasnik BiH", broj 39/14, 59/22 i 50/24) i Preporuke iz Zapisnika broj: 30/80-825-25/26 od 22.06.2026. godine, uz primjenu **otvorenog postupka**, donosim

O D L U K U

o izboru najpovoljnijeg ponuđača za javnu nabavku radova
"Izvođenje radova na uređenju korita na 4 LOT-a u lokalnim zajednicama Gornji Vakuf/Uskoplje, Srebrenik, Zavidovići i Ključ LOT 4 - Radovi Sanica Ključ"
Obavještenje o nabavci br.: 1132-1-3-35-3-59/26

Član 1.

Kao najpovoljniji ponuđač za javnu nabavku **"Izvođenje radova na uređenju korita na 4 LOT-a u lokalnim zajednicama Gornji Vakuf/Uskoplje, Srebrenik, Zavidovići i Ključ LOT 4 - Radovi Sanica Ključ"** bira se ponuđač **GRADNJA 1 d.o.o. Tešanj, ul. Rosulje bb, registrovan kod Općinskog suda u Zenici, MBS: 43-01-0226-10, JIB: 4218204230005**, za ponuđenu cijenu **180.000,00 KM bez PDV-a**, odnosno **210.600,00 KM sa PDV-om**.

Član 2.

Ponuđaču **GRADNJA 1 d.o.o. Tešanj** će se dodjeliti prijedlog ugovora za javnu nabavku iz člana 1. ove Odluke nakon što svi ponuđači budu obaviješteni o izboru najpovoljnije ponude.

Član 3.

Za izvršenje ove odluke zadužuje se **Sektor za realizaciju projekata** Agencije za vodno područje rijeke Save, Sarajevo.

Član 4.

Sredstva za zaključenje ovog ugovora će se koristiti iz Plana i Finansijskog plana Agencije za 2026. godinu, ekonomski kod 6148192224, 6148192226, 6148192227, 61481922212, stavka Plana B.2.2.4., B.2.2.6., B.2.2.7., B.2.2.12.

Član 5.

Ova odluka će se objaviti na web-stranici www.voda.ba, istovremeno s upućivanjem odluka ponuđačima koji su učestvovali u postupku javne nabavke, shodno članu 70. Stav (6) Zakona o javnim nabavkama.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 30/80-825-3/26 od 22.05.2026.

Javna nabavka je provedena putem otvorenog postupka.

Procijenjena vrijednost nabavke bez PDV-a je 2.264.955,00 KM KM (Lot 4-213.675,00 KM bez PDV-a).

Obavještenje o nabavci broj: 1132-1-3-35-3-59/26 je poslato na objavu i objavljeno na portalu javnih nabavki dana 25.05.2026. godine.

Sa web portala "e-Nabavke" www.ejn.gov.ba tendersku dokumentaciju su preuzeli sljedeći ponuđači:

1. GRADNJA-1 TEŠANJ D.O.O
2. STRUKTURA D.O.O.
3. ALMY D.O.O. ZENICA
4. EKAPIJA DOO
5. ROADING D.O.O.
6. BUJICE DOO KONJIC
7. BBS EUROPE
8. OBRT "BOTONJIĆ"
9. TENDERI DOO
10. OMEGA GROUP DOO
11. HOLEX D.O.O.
12. HARYSCO DOO
13. DEN ALM COMPANY D.O.O. LUKAVAC
14. IG POKVIĆ D.O.O.
15. ŠPICBETON D.O.O. ZENICA
16. VRTIĆ D.O.O.
17. MG MIND D.O.O.
18. VZ COMMERCE DOO
19. "TERMO-BETON" D.O.O
20. ROCO COMMERCE D.O.O. LIVNO
21. KM-GRADNJA D.O.O
22. IZGRADNJA TOJAGA D.O.O. MOSTAR
23. DOO HRNČIĆ KOP
24. VC SMARAGD D.O.O TRAVNIK
25. B2 D.O.O.
26. GANIC DOO
27. IPSUM DOO BUGOJNO
28. BH 4 D.O.O
29. RADIS DOO
30. ALMY-GRADNJA DOO ZENICA
31. MRKONJIĆ PUTEVI
32. MIBRAL DOO

Komisija za nabavku imenovana je Rješenjem broj: 30/80-825-5/26 od 25.05.2026. godine.

Komisija za javnu nabavku je blagovremeno i pravilno izvršila otvaranje ponuda i ocjenu pristiglih ponuda, o čemu je sačinila zapisnik o otvaranju ponuda i zapisnik o pregledu i ocjeni ponuda, u kojima je utvrđeno sljedeće:

- Da je ukupan broj preuzimanja tenderske dokumentacije 32 (slovima: trideset dva)
- Da je ukupan broj pristiglih ponuda (za Lot 4) 4 (slovima: četiri)
- Da je ukupan broj blagovremeno zaprimljenih ponuda (za Lot 4) 4 (slovima: četiri)
- Da nema neblagovremeno zaprimljenih ponuda
- Da su ponude 3 (slovima: tri) ponuđača prihvatljive (za Lot 4)
- Da je 1 (slovima: jedna) ponuda ocijenjena kao neprihvatljiva (za Lot 4).

U postupku donošenja ove odluke, Komisija je pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

Ponuđač ŠPIC BETON d. o.o. ZENICA je dostavio neprihvatljive ponude za LOT-ove 1, 2, 3 i 4.

Naime, tačkom 5.4.1. pod c), za svaki od LOT-ova je, između ostalog, mogućnost pristupa ili osiguran pristup za kiper – kamion min. nosivost preko 13 tona koji će biti na raspolaganju za izvršenje ugovora.

Nadalje, tačkom 5.4.2 pod c) od ponuđača se zahtijevalo dostavljanje Izjave o građevinskim mašinama i tehničkoj opremi kojom izvođač raspolaže u svrhu izvršenja ugovora za svaki od LOT-ova (Aneks 13 A - 13 D). Ponuđač ŠPIC BETON d. o.o. ZENICA je u svojim ponudama za LOT-ove 1, 2, 3 i 4 dostavio Izjave u kojima je umjesto "kiper – kamion" naveo da raspolaže sa "vozilom promjenljive nadogradnje".

Kako je tenderskom dokumentacijom zahtijevano raspolaganje kamionima kiperima minimalne nosivosti preko 13 tona, navedena vozila se ne mogu prihvatiti kao dokaz ispunjenja tog uslova, jer teretno vozilo promjenljive nadogradnje samo po sebi nije kamion kiper, a bez dokaza o kiperskoj nadogradnji nije moguće utvrditi postojanje tražene funkcionalne opreme niti ispunjenje propisanog zahtjeva.

Dodatno, kamioni kiperi su specijalizovana vozila sa integrisanom kiperskom nadogradnjom, dok su teretna vozila promjenljive nadogradnje složeniji sistemi s dodatnim mehanizmima za izmjenu nadogradnji, zbog čega se ne mogu izjednačiti niti posmatrati kao tehnički ekvivalentna.

Nadalje, vozilo promjenljive nadogradnje nije odgovarajuće za radove koji se izvode na regulaciji vodotoka, imajući u vidu specifične uslove rada u koritu i priobalju vodotoka (mokar, nestabilan i neravan teren, prisustvo šljunka i vode, promjenljivi hidraulički uslovi te otežana pristupačnost), što zahtijeva stabilna i namjenski projektovana kiperska vozila koja su konstrukcijski prilagođena takvim uslovima eksploatacije.

Iz tog razloga je u predmetnoj tenderskoj dokumentaciji, kao jedan od uslova tehničke sposobnosti, i naveden konkretno "kiper – kamion".

Zbog prethodno navedenog, a u skladu sa odredbom člana 2. stav I alineja 3. i člana 68. stav 4. alineja i) Zakona o javnim nabavkama BiH ("Službeni glasnik BiH", broj 39/14, 59/22 i 50/24) predmetna ponuda je nepravilna i kao takva nije prihvatljiva za ugovorni organ.

Ugovorni organ je nakon pregleda i ocjene ponuda zakazao provođenje e-aukcije za 25.06.2026. godine u 12:00 sati.

U postupku ocjene provedenog postupka, nisu nađeni razlozi, nepravilnosti niti propusti u radu, koji bi eventualno bili osnov za neprihvatanje preporuke Komisije za javnu nabavku.

Ocijenjeno je da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, neosporno je da je izabrani ponuđač najbolje ocijenjen zbog najniže cijene, kako slijedi:

R. broj	PONUĐAČ	Cijena nakon provedene e-aukcije KM (bez PDV-a)
1	GRADNJA 1 d.o.o. Tešanj	180.000,00
2	IZGRADNJA TOJAGA d.o.o. Mostar	181.800,00
3	GRUPA PONUĐAČA OMEGA GROUP d.o.o. Sarajevo I MIBRAL d.o.o. Sarajevo	213.610,45

Na osnovu navedenog odlučeno je kao u dispozitivu.

PRAVNA POUKA:

Učesnik u postupku, koji nije zadovoljan ovom odlukom, može u roku od 10 (deset) dana od dana prijema ove odluke izjaviti žalbu zbog povrede odredaba Zakona o javnim nabavkama.

Žalba se podnosi u najmanje 3 primjerka Agenciji za vodno područje rijeke Save, Sarajevo.

Žalba se podnosi Uredu za razmatranje žalbi BiH putem ugovornog organa.

Žalilac je obavezan platiti naknadu za pokretanje žalbenog postupka u iznosu od 3.000,00 KM (član 108. stav (1) tačka c) Zakona o javnim nabavkama).

- Akt izradio: Mirza Čutura
- Akt kontrolisao: Zeljka G.

Dostaviti:

- Ponuđačima
- Sektor za pravne poslove
- Sektor za realizaciju projekata
- a/a

DIREKTOR


dr. sc. Senad Memić

